

Ispunjavanje uslova je osnovni faktor pridruživanja Evropskoj uniji



Visoki predstavnik/specijalni predstavnik EU, Valentin Inzko, i komesar EU za proširenje, Olli Rehn, usaglasili su se sinoć da bi ukidanje viznog režima za građane koji imaju bosanskohercegovačke pasoše bio vrlo pozitivan pomak i da političko vođstvo mora osigurati ispunjavanje svih uslova.

«Međunarodna zajednica i ja lično smo mjesecima upozoravali političke lidere da Bosna i Hercegovina kasni za drugim zemljama u regionu. Napori usmjereni na uvođenje novih pasoša i usvajanje potrebnih zakona i drugih mjera se ne poduzimaju dovoljno brzo. Bosanskohercegovački političari vrlo dobro znaju da je ispunjavanje uslova osnovni faktor napredovanja ka Evropskoj uniji», rekao je Inzko.

Zahtjev da se ispune uslovi tako da prednosti koje nosi približavanje Evropskoj uniji ovise o provođenju reformi je način na koji integracije funkcioniraju. Ukoliko se uslovi jednostavno ostave po strani, onda nema poticaja za daljnje provođenje reformi koje zapravo donose koristi za društvo.

Visoki predstavnik/specijalni predstavnik EU Valentin Inzko i komesar Rehn su izrazili nadu da će vlasti BiH iskoristiti ponovo započeti politički dijalog pokrenut na sastanku političkih lidera u Dubrovniku, a zatim i na sastanku koji je nakon toga uslijedio u organizaciji visokog

predstavnika/specijalnog predstavnika EU u Sarajevu, za što hitnije rješavanje pitanja koja proističu iz procesa evropskih integracija, uključujući i pitanje liberalizacije viznog režima.

«I dalje sam u potpunosti posvećen cilju da Bosna i Hercegovina bude uključena u Bijelu šengensku listu i potičem ovu zemlju da hitno počne rješavati pitanja ispunjavanja tehničkih uslova», rekao je visoki predstavnik i specijalni predstavnik EU Inzko komesaru Rehnu.